



Republika e Kosovës

Republika Kosovo - Republic of Kosovo



Autoriteti Kombëtar i Kualifikimeve
Nacionalni Autoritet za Kualifikacije
National Qualification Authority

Numër: 01/38
Datë: 22.02.2022

Në mbështetje të neneve 6 dhe 16 të Ligjit Nr.03/L-060 për Kualifikimet Kombëtare, si dhe Udhëzimit Administrativ të Ministrisë së Arsimit, Shkencës dhe Teknologjisë (MASHT) Nr.35-2014 për Kriteret dhe procedurat për validimin dhe aprovimin e kualifikimeve kombëtare dhe akreditimin e institucioneve që ofrojnë kualifikime në Kosovë, Këshilli Drejtues (KD) i Autoritetit Kombëtar të Kualifikimeve (AKK), në mbledhjen e mbajtur me datë 22.02.2022 nxjerrë këtë:

V E N D I M

1. **Riakreditohet** institucioni "Akademia e Kosovës për Siguri Publike-AKSP", me adresë: Rr: Gjergj Kastrioti Skënderbeu, Vushtrri, Republika e Kosovës, për periudhën tre (3) vjeçare, përkatësisht nga data 24.07.2021 deri më 23.07.2024, me kualifikimet e aprovuar në Kornizën Kombëtare të Kualifikimeve (KKK).

1.1. Inspektor i Inspektoratit Policor të Kosovës, Niveli V sipas KKK, lloji: Kualifikim Kombëtar Profesional (D) me 83 kredi të AAP. Institucioni mund të realizojë procesin e trajnimit me më së shumti dy (2) gjenerata brenda vitit, duke përfshirë 20 kandidatë për gjeneratën përkatëse. Fillimi i të dyja gjeneratave mund të bëhet brenda vitit, por jo në të njëjtën kohë.

1.2. Zjarrfikës, Niveli V sipas KKK, lloji: Kualifikim Kombëtar Profesional (D) me 80 kredi të AAP. Institucioni, për këtë profil riakreditohet për periudhën tre (3) vjeçare, përkatësisht nga data 04.04.2022 deri më 03.04.2025. Institucioni mund të realizojë procesin e trajnimit me më së shumti dy (2) gjenerata brenda vitit, duke përfshirë 22 kandidatë për gjeneratën përkatëse. Fillimi i të dyja gjeneratave mund të bëhet brenda vitit, por jo në të njëjtën kohë.

1.3. Zyrtar Doganor, Niveli IV sipas KKK, lloji: Kualifikim Kombëtar Profesional (D) me 68 kredi të AAP. Institucioni mund të realizojë procesin e trajnimit me pesëdhjetë (50) kandidat në një grup, dhe gjatë një viti mund të mbahen një (1) grupe.

- 1.4. **Zyrtar Korrektues**, Niveli V sipas KKK, lloji: Kualifikim Kombëtar Profesional (D) me 60 kredi të AAP. Institucioni mund të realizojë procesin e trajnimit më nga dy (2) gjenerata brenda vitit, përfshirë numrin 50 kandidatë për gjeneratë, me kusht që grupet brenda gjeneratës të ndahen sipas nevojës dhe bazuar në kurrikulën përkatëse. Fillimi i të dyja gjeneratave mund të bëhet brenda vitit, por jo në të njëjtën kohë.
- 1.5. **Zyrtar Policor**, Niveli V sipas KKK, lloji: Kualifikim Kombëtar Profesional (D) me 60 kredi të AAP. Institucioni mund të realizojë procesin e trajnimit me më së shumti dy (2) gjenerata brenda vitit, në numrin e kandidatëve të përcaktuar maksimalisht 500 (pesëqind) kandidatë. Grupet brenda gjeneratës përkatëse duhet të ndahen nga koordinatorët e programeve dhe sipas nevojës, ashtu siç përcakton kurrikula përkatëse. Fillimi i të dyja gjeneratave mund të bëhet brenda vitit, por jo në të njëjtën kohë.
- 1.6. **Zyrtar Sprovues**, Niveli V sipas KKK, lloji: Kualifikim Kombëtar Profesional (D) me 60 kredi të AAP. Institucioni mund të realizojë procesin e trajnimit më së shumti dy (2) gjenerata brenda vitit, duke përfshirë 50 kandidatë për gjeneratën përkatëse. Fillimi i të dyja gjeneratave mund të bëhet brenda vitit, por jo në të njëjtën kohë.

2. Ky vendim hyn në fuqi me nënshkrimin e tij.

A r s y e t i m

Në bazë të kërkesës së institucionit "Akademia e Kosovës për Siguri Publike-AKSP", për validim, akreditim dhe rekomandimeve të dala nga Raportet e vlerësimit të ekipit të ekspertëve mbi validimin e kualifikimit, si dhe Raportet e ekipit të ekspertëve mbi akreditimin e institucionit, u vendos si në dispozitiv të këtij vendimi.

Rekomandimet përfundimtare të ekipit të ekspertëve janë të mbështetura në dëshmi dhe dokumente të ofruara nga institucioni në fazën e aplikimit: Aplikacionin për validim të kualifikimit/modulit; Aplikacionin për akreditim si institucion ofrues dhe/ose vlerësues dhe lëshues të kualifikimit; Raportin e Vetëvlerësimit; Vizitën në institucionin/ofruesin aplikues, si dhe dokumente tjera shtesë.

Pas trajtimit në detaje nga ekipi i ekspertëve të dokumentacionit të sipërpërmendur dhe të gjeturave nga vizita, ekipi i ekspertëve në raportin e hartuar dha vlerësim pozitiv, dhe



të njëjtin ia rekomandoi Këshillit Drejtues për vendimmarrje. Mbi këtë bazë, Këshilli Drejtues, bazuar në kompetencat e tij, vendosi si në dispozitiv të këtij vendimi.

Këshillë juridike: Kundër këtij vendimi mund të paraqitet ankesa për rishqyrtim të vendimit sipas nenit 20, pikat 1, 2, 3 dhe 4 të Udhëzimit Administrativ të MASHT për Kriteret dhe procedurat për validimin dhe aprovimin e kualifikimeve kombëtare dhe akreditimin e institucioneve që ofrojnë kualifikime në Kosovë me Nr. 35/2014. Ankesa kundër këtij akti administrativ i dorëzohet KD të AKK, në afat prej 15 ditësh pas lëshimit të vendimit.

Vendimi u dërgohet:

1. Institucionit Akademia e Kosovës për Siguri Publike-AKSP, dhe
2. Arkivit të AKK-së.

Prof. Dr. Agron BAJRAKTARI

Kryetar KD së AKK

